

UPUTSTVO ZA PAKOVANJE POŠILJKI

REVIZIJE DOKUMENTA

Datum	Revizija	Autor	Opis
01.06.2022.	01	Sektor za poštanski promet	Uputstvo za pakovanje

SADRŽAJ

UVOD	4
PAKOVANJE POŠILJKE	5
VANJSKO PAKOVANJE	5
UNUTRAŠNJE PAKOVANJE.....	7
METODE PAKOVANJA.....	8
ZATVARANJE POŠILJKE	9
POSEBNO OZNAČAVANJE POŠILJKE	10
ADRESIRANJE POŠILJKE	10
OPŠTE PREPORUKE ZA PAKOVANJE POŠILJKI U ZAVISNOSTI OD VRSTE SADRAŽAJA	11

UPUTSTVO ZA PAKOVANJE POŠILJKI

UVOD

Pravilno pakovanje pošiljke i kvalitetna ambalaža ključni su kako bi vaša pošiljka stigla na odredište sigurno i bez oštećenja.

Pakovanje podrazumijeva stavljanje sadržaja u odgovarajuću čvrstu ambalažu ispunjenu zaštitnim materijalom, koji će spriječiti oštećenje sadržaja.

Pošiljalac pošiljke je obavezan upakovati pošiljku tako da zaštići njen sadržaj, druge pošiljke i osobe koje rukuju pošiljkom. Za štetu koja je prouzrokovana sadržajem ili neodgovarajućim pakovanjem poštanske pošiljke, odgovoran je pošiljalac.

Dimenzije paketa

Maksimalne dimenzije pošiljke odgovaraju dimenzijama euro palete:

- Dužina 120 cm
- Širina 80 cm
- Visina 100 cm

Izuzetno, **uz prethodno odobrenje i saglasnost prijemne i odredišne pošte**, moguće je slanje pošiljki, čije su dimenzije iznad gore navedenih, pri čemu je najveća dozvoljena dužina jedne stranice pošiljke 250 cm, a zbir dužine, širine i visine maksimalno 300 cm.

Za kabaste pošiljke i sve pošiljke čiji gabariti prelaze u zbiru dužine, širine i visine 300 cm, obračun poštarine vrši se na osnovu volumetrijske (zapreminske) mase pošiljke, po IATA formuli:

$$\text{dužina} \times \text{širina} \times \text{visina} \text{ (u cm)} / 5000 = \text{zapreminska masa (u kg)}$$





ZA PAKOVANJE POŠILJKI UVIEK KORISTITE ODGOVARAJUĆU AMBALAŽU PRIMJERENU SADRŽAJU, OBLIKU, VELIČINI, MASI I VRIJEDNOSTI POŠILJKE!

Prilikom odabira ambalaže za pakovanje pošiljke uzmite u obzir:

- **SADRŽAJ POŠILJKE** - različit sadržaj zahtijeva različito pakovanje kako bi pošiljka sigurno stigla do odredišta; za lomljive predmete potrebna je dodatna zaštita, a ovakve pošiljke obavezno se označavaju naljepnicom "LOMLJIVO";
- **OBLIK I DIMENZIJE POŠILJKE** - pobrinite se da pakovanje odgovara obliku pošiljke, npr. zaobljeni ili špicasti predmeti zahtijevaju posebnu pažnju prilikom pakovanja;
- **MASA POŠILJKE** - u zavisnosti od mase pošiljke birajte čvrstoću i trajnost ambalaže;
- **VRIJEDNOST POŠILJKE** - pošiljke visoke vrijednosti ponekad zahtijevaju dodatnu zaštitu poput zračnih jastučića i slično;
- **POSEBNE TRANSPORTNE ODREDBE U ZAVISNOSTI OD SADRŽAJA** - ukoliko postoje propisi koji zahtijevaju posebno pakovanje određenog sadržaja, pošiljalac ih je dužan poštovati.



Prije nego upakujete pošiljku, obavezno provjerite da li sadržaj vaše pošiljka spada u kategoriju zabranjenih pošiljki!

Prema Općim uvjetima za obavljanje poštanskih usluga zabranjeno je slanje poštanskih pošiljki koje sadrže:

- eksplozivne i lako zapaljive predmete ili predmete čiji je prijem povezan s opasnosti za druge pošiljke, poštanske objekte, opremu i prijevozna sredstva ili za život i zdravlje ljudi;
- predmete čiji je promet zabranjen posebnim zakonskim i drugim propisima;
- opojne droge, osim kad su pošiljalac ili primalac posebnim zakonom ovlašteni za promet ili upotrebu opojnih droga (što se dokazuje odgovarajućim ispravama).

PAKOVANJE POŠILJKE

KAKO IZABRATI ADEKVATNU AMBALAŽU?

Prilikom odabira ambalaže obratite pažnju na materijal i dimenzije pakovanja.

VANJSKO PAKOVANJE

- **MATERIJAL** - za pakovanje pošiljke uvijek koristite visokokvalitetne valovite kartonske kutije. Za krhke kao i teške predmete, preporučuje se minimalno dvoslojni ili troslojni valoviti karton. Ne preporučuje se korištenje iste ambalaže više puta. Obratite pažnju na specifikaciju ambalaže koju koristite (deklaraciju proizvođača), kako biste bili sigurni u adekvatnu zaštitu pošiljke.
- **DIMENZIJE PAKOVANJA** - veličina ambalaže može uticati na sigurnost pošiljke. Nedovoljno napunjene kutije se uvijaju i dovode do pomjeranja sadržaja tokom transporta. S druge strane, prenapunjene kutije pucaju ili može doći do otvaranja istih i ispadanja sadržaja tokom transporta. Stoga birajte dimenzije ambalaže primjerene sadržaju pošiljke.
- **ZATVARANJE POŠILJKE** - birajte dovoljno čvrste i kvalitetne trake za lijepljenje / zatvaranje pošiljke.

Za pakovanje možete koristiti vlastitu ambalažu ili izabrati ambalažu iz ponude JP BH POŠTA: paketsku ambalažu ili koverte.

PAKETI	DIMENZIJE (mm)	MATERIJAL
PAKET ZA MOBITELE	180x100x100	Troslojni karton
PAKET ZA BOCE	360x110x110	Troslojni karton
PAKET "S"	230x150x90	Troslojni karton
PAKET "M"	300x200x100	Troslojni karton
PAKET "L"	300x230x140	Troslojni karton
PAKET "XL"	300x240x230	Troslojni karton
PAKET "XXL"	480x300x250	Petoslojni karton
PAKET "POSTER"	100x60x80	Troslojni karton
PAKET "LAPTOP"	500x400x200	Petoslojni karton




Osim paketa, za pakovanje pošiljki, čiji sadržaj, oblik, masa i vrijednost dozvoljavaju, mogu se koristiti i zaštitne koverte. Iz ponude JP BH POŠTA možete izabrati sljedeće dimenzije koverti sa zračnim jastukom:



KOVERTE	DIMENZIJE
KOVERTA SA ZRAČNIM JASTUKOM	15X21 cm
KOVERTA SA ZRAČNIM JASTUKOM	30X44 cm
KOVERTA SA ZRAČNIM JASTUKOM	18X26 cm
KOVERTA SA ZRAČNIM JASTUKOM	27X38 cm
KOVERTA SA ZRAČNIM JASTUKOM	35X47 cm
KOVERTA SA ZRAČNIM JASTUKOM	24X34 cm

UNUTRAŠNJE PAKOVANJE

Za siguran transport pošiljki, osim vanjske ambalaže važno je i unutrašnje pakovanje / zaštita sadržaja. U tu svrhu možete koristiti zračne jastuke, kartonske pregrade, foliju sa zračnim mjehurićima, pjenastu spužvu, stari zgužvani papir itd.



**Prilikom pakovanja pošiljke
važno je ispuniti prazan
prostor kako bi se izbjeglo
pomjeranje / prevrtanje
sadržaja tokom transporta i
time spriječilo oštećenje.**



Sadržaj pošiljke zaštitite na način da isti ne dodiruje vanjske stranice ambalaže, odnosno da ima dovoljno zaštite između sadržaja pošiljke i vanjskog pakovanja. Poželjno je da predmete koji se šalju uvijek stavite u sredinu zaštitnog materijala s najmanje 5 cm razmaka od bilo kakvih vanjskih zidova (ivica, gornjih i donjih strana) ili uglova.

Ukoliko šaljete više predmeta u jednoj pošiljci, umotajte predmete pojedinačno i koristite pregrade kako bi se izbjeglo oštećenje uzrokovano dodirivanjem predmeta tokom transporta. Posebno ukoliko se radi o složenim predmetima, sastavljenim iz više dijelova, koji nisu čvrsto vezani, osigurajte da su adekvatno zaštićeni, kako ne bi došlo do odvajanja dijelova. Svaki dio sadržaja potrebno je umotati pojedinačno, po mogućnosti u folije sa zračnim mjehurićima ili slične zaštitne materijale.

METODE PAKOVANJA

Različite metode pakovanja obezbeđuju različit nivo zaštite pošiljke.


Pakovanje u kutiju je osnovni nivo zaštite, pogodan za većinu na lom / oštećenje neosjetljivih predmeta kao što su knjige, štampani materijal, metalni dijelovi, mekana roba (tekstil) itd.

Ukoliko se šalju predmeti osjetljivi na prašinu, vodu ili vlagu iste je potrebno zaštiti najlonskom/plastičnom kesom ili posudom. Zrnaste proizvode koji se mogu prosuti stavite u čvrstu ambalažu kao što je vreća od jute ili plastična vreća iz koje se sadržaj ne može prosuti, a zatim upakujte u čvrstu vanjsku kutiju.

Za pakovanje koristite kartonsku ambalažu, poželjno minimalno dvoslojnou. U slučaju da težina pošiljke dozvoljava može se koristiti jednoslojna kartonska ambalaža ukoliko čvrstoća iste omogućava adekvatnu zaštitu pošiljke. Osigurajte da su vaši predmeti smješteni centralno u kutiju s najmanje 5 cm odvajanja od bilo kojeg od vanjskih zidova i uglova.

Ako šaljete više predmeta istovremeno, potrebno je svaki predmet pojedinačno umotati i


odvojiti od drugih (papirnom / kartonskom pregradom, zračnim jastukom). Ispunite sve praznine kako biste sprječili kretanje predmeta unutar kutije tokom transporta.



Metoda kutija u kutiji – preporučuje se za elektronske uređaje, lomljive predmete, predmete od keramike, masne i teško topive materije itd.

Metodu pakovanja "kutija u kutiji" poželjno je koristiti za slanje osjetljivih / krhkih predmeta, kao i predmeta koji će se u osnovnom / originalnom pakovanju koristiti za daljnju distribuciju (npr. maloprodaju). Za pakovanje se u ovom slučaju koriste dvije ambalaže, tzv. unutrašnja i vanjska.

Za unutrašnju ambalažu preporučuje se korištenje originalnog pakovanja sadržaja kad god je to moguće. Ukoliko to nije moguće, sadržaj je potrebno upakovati prema prethodno navedenim preporukama za pakovanje. Nakon što ste osigurali unutrašnje pakovanje, potrebno je izabrati vanjsku ambalažu.



Preporučuje se da dimenzije vanjske ambalaže budu veće za najmanje 10 cm u odnosu na unutrašnje pakovanje. Potrebno je obratiti pažnju da vanjska ambalaža odgovara masi pošiljke, te u skladu s tim izabrati karakteristike vanjskog pakovanja.

Kako biste spriječili bilo kakvo pomjeranje pošiljke unutar ambalaže, potrebno je ispuniti slobodni prostor između unutrašnjeg i vanjskog pakovanja. Za osjetljive / lomljive pošiljke obavezno je koristiti uslugu "izdvojeno rukovanje", što se obilježava naljepnicom "lomljivo".



Samo označavanje pošiljke naljepnicom "lomljivo" nije dovoljno i ne isključuje obavezu pošiljaoca da adekvatno upakuje pošiljku kao ni odgovornost pošiljaoca u slučaju nastanka štete zbog neadekvatnog pakovanja pošiljke.

ZATVARANJE POŠILJKE

Nakon što ste pravilno odabrali ambalažu i upakovali pošiljku, završni korak je adekvatno zatvaranje, koje će dodatno zaštiti pošiljku tokom transporta. Stepen sigurnosti pošiljke zavisi i od kvaliteta trake za zatvaranje, kao i načina zatvaranja paketa.




Za zatvaranje pošiljki
preporučuje se korištenje
samoljepljive trake
minimalno 5 cm širine



Zatvaranje pošiljke u formi slova "H"

Za zatvaranje pošiljki preporučuje se lijepljenje paketa metodom slova "H".

U prvom koraku zaliđepite traku dužinom središnjeg otvora. Nakon toga zaliđepite traku / učvrstite ivice pošiljke s gornje strane paketa. Zatim isti postupak uradite i sa donje strane paketa. Ukoliko se radi o težim pošiljkama, ponovite postupak onoliko puta koliko je potrebno za sigurnost pošiljke (dva, tri ili više puta).



Trake za vezanje - trake za vezanje se ne preporučuju, jer ne garantuju sigurnost pošiljke, te mogu dovesti do oštećenja. Ove trake mogu biti korištene za dodatno ojačavanje težih pošiljki, ali nikako kao jedini način zatvaranja pošiljke.



Za pakovanje pošiljke odgovoran je pošiljalac pošiljke, koji je obvezan upakovati pošiljku tako da zaštititi njen sadržaj, druge pošiljke i osobe koje rukuju pošiljkom.

JP BH POŠTA d.o.o. Sarajevo može odbiti prijem pošiljke koja nije adekvatno upakovana.

Korisnik nema pravo na naknadu štete za oštećenje sadržaja pošiljke, ukoliko pakovanje pošiljke (unutrašnje i vanjsko) nije odgovaralo prirodi sadržaja pošiljke.

POSEBNO OZNAČAVANJE POŠILJKE

U zavisnosti od izabrane usluge, potrebno je dodatno naljepnicom označiti pošiljku.

Pravilno obilježavanje pošiljke pomoći će u sigurnoj dostavi vaše pošiljke, u skladu sa izabranom uslugom.

Za sve pošiljke čiji sadržaj je lomljiv obavezno je korištenje usluge “**izdvojeno rukovanje**” i označavanje pošiljke naljepnicom “lomljivo” (**slika čaše**).

U slučaju da je **dozvoljen uvid u sadržaj pošiljke**, obavezno je označavanje pošiljke odgovarajućom naljepnicom (naljepnica bijele boje sa ispisanim tekstom POŠILJALAC ODOBRAVA PRIMAOCU UVID U SADRŽAJ POŠILJKE ili na drugi način jasno naznačiti dozvoljen uvid u sadržaj), što će primaocu omogućiti uvid u sadržaj prije plaćanja i preuzimanja pošiljke.

U slučaju da je izabrana dodatna usluga “**povratna dokumentacija**” ista mora biti označena na adresnici. Dokumentaciju koju je potrebno vratiti pošiljaocu nakon uručenja pošiljke, pošiljalac je obvezan zapakovati u posebnu kovertu. Kovertu je potrebno pričvrstiti na pošiljku, na način da ista čini neodvojivi dio pošiljke, te da je jasno uočljiva prilikom dostave pošiljke.

ADRESIRANJE POŠILJKE

Posljednji korak prije predaje pošiljke za otpremu je adresiranje pošiljke / ispunjavanje adresnice.

Za adresiranje pošiljke možete koristiti obrazac adresnice koji ćete ručno ispuniti ili štampati adresnicu iz aplikacija BH POŠTE.

Ukoliko je pošiljka upakovana u već korištenu ambalažu, što se svakako ne preporučuje, provjerite da li ste skinuli prethodne naljepnice ili bilo kakve oznake koje bi mogle dovesti do poteškoća u prijenosu pošiljke do primaoca.

Adresnicu možete zlijepiti direktno na pošiljku ili uložiti u prozirnu omotnicu za ulaganje dokumentacije, koju ćete zlijepiti na pošiljku. Adresnicu je potrebno zlijepiti na gornju stranu, odnosno najveću površinu pošiljke.

Preporučuje se da u pošiljku prije zatvaranja stavite primjerak adresnice ili na drugi način naznačite podatke o pošiljaocu i primaocu, kako bi se u slučaju da se originalna adresnica odvoji od pošiljke, lakše utvrdilo kome pošiljka pripada.

Ukoliko pošiljci prilaže dokumentaciju (fakture, predračuni, deklaracije itd.), potrebno je zaštiti dokumentaciju umetanjem u koverte ili omotnice za ulaganje dokumentacije, koje ćete čvrsto zlijepiti na paket.

OPŠTE PREPORUKE ZA PAKOVANJE POŠILJKI U ZAVISNOSTI OD VRSTE SADRŽAJA

Tečnosti i praškovi



Mnoge tečnosti i praškovi ubrajaju se u opasne materije, koje nije dozvoljeno slati kao poštanske pošiljke. Takve materije imaju adekvatnu oznaku, te je pošiljalac dužan provjeriti oznaku na ambalaži prije slanja ove vrste sadržaja.

Za ostale tečnosti i praškove, koje je dozvoljeno slati, ali i dalje imaju oznake upozoravajućeg karaktera (različita hemijska sredstva za kućnu upotrebu) ili za sadržaj koji nije klasificiran kao opasan, ali zahtijeva opreznije rukovanje, potrebno je osigurati adekvatno pakovanje, kako bi se zaštitio sadržaj pošiljke, druge pošiljke u transportu, kao i radnici koji rukuju pošiljkama.

Sve pošiljke čiji sadržaj je u tečnom stanju treba da budu zatvorene u potpuno nepromočive posude. Svaka posuda se stavlja u specijalno tvrdnu kutiju u kojoj se nalazi odgovarajući zaštitni materijal za upijanje tečnosti u slučaju oštećenja posude. Poklopac kutije se čvrsto zatvara tako da ne može da se otvori.

Masne i teško topive materije, kao i materije intenzivnog mirisa (maziva, tekući sapun, kreme, smola i sl.), trebaju biti upakovane na način opisan za metodu pakovanja "kutija u kutiji". Kao prvo pakovanje / unutrašnja ambalaža, ukoliko se ne radi o originalnoj ambalaži, potrebno je koristiti nepromočiva pakovanja (kutije, plastičnu ambalažu, folije). Kao vanjsko pakovanje preporučuje se korištenje kutije od metala, čvrstog plastičnog materijala ili nekog drugog materijala, kojim će biti spriječeno isticanje sadržaja.

Suhi praškovi trebaju biti upakovani u plastificiranu ambalažu / vrećice, čvrsto zatvorenu, te potom u krute kutije za pakovanje.

Dokumenti

Za pakovanje dokumenata možete koristiti koverte ili kartonske kutije u zavisnosti od količine dokumentacije koju šaljete.

Preporučuje se korištenje koverti za slanje dokumentacije do maksimalno 2000 grama mase.

Dokumentaciju mase iznad 2.000 grama potrebno je pakovati u kartonsku ambalažu dovoljne čvrstoće, prethodno zaštićenu od uticaja vlage (zaštitne folije, plastificirana ambalaža).



Boce, vase, keramičko posuđe

Prilikom slanja staklenih / keramičkih predmeta potrebno je svaki predmet pojedinačno omotati zaštitnom spužvom ili folijom s mjehurićima, te upakovati u čvrstu kutiju. Za posebno osjetljive predmete potrebno je koristi metodu pakovanja kutija u kutiji. Ukoliko se šalje više predmeta u jednoj pošiljci neophodno je koristiti pregrade kojim će se obezbijediti da se predmeti ne dodiruju u transportu.



Umjetnička djela, fotografije, plakete, objektivi

Prilikom slanja umjetničkih djela, plaketa, uokvirenih fotografija i sličnih predmeta potrebno je preko staklene površine zalijepiti odgovarajuću traku uzduž i poprijeko da biste spriječili lomljenje stakla. Dodatno zaštiti pošiljku umatanjem u folije s vazdušnim jastučićima ili slične zaštitne materijale. Posebno zaštiti sve rubove predmeta koji se šalje.

Roba u rolama, madraci, tekstil

Roba u rolama, madraci i tekstil moraju biti zaštićeni otpornom plastičnom folijom i omotani plastičnom trakom za pakovanje, a rubovi dodatno zaštićeni. Razne role papira trebaju biti upakovane u kartonsku ambalažu odgovarajućeg izgleda i dimenzija.



Elektronska oprema



Elektronska oprema spada u kategoriju pošiljki, za koje treba posebnu pažnju posvetiti pakovanju. **Za slanje elektronske opreme uvijek birajte metodu pakovanja "kutija u kutiji".** Uvijek i obavezno oblijepite sve rubove i preklope.

Ukoliko je uređaj u originalnoj ambalaži, zaštite ga dodatno ukoliko je potrebno, te stavite u sredinu vanjske kutije i popunite sav prazan prostor između originalne i vanjske ambalaže.

Ukoliko uređaj nema originalnu ambalažu upakujte sadržaj, na način da isti bude adekvatno zaštićen, a vodeći računa u vrsti, prirodi i vrijednosti sadržaja. Zaštite uređaj sružvom, stiroporom, folijom sa zračnim jastučićima ili drugim sredstvom za zaštitu, te smjestite u odgovarajuću kutiju. Potom birajte vanjsku ambalažu i upakujte u skladu sa preporukama za metodu pakovanja "kutija u kutiji". Ukoliko uz elektronski uređaj (televizori, centralne jedinice, monitori, štampači, telefoni, tableti itd.), šaljete i pomoćnu opremu kao što su kablovi, adapteri, tastature, toneri itd., preporučuje se da iste posebno upakujete. Pošiljku obavezno označite naljepnicama za lomljiv sadržaj.

Kvarljiva roba

Ne preporučuje se slanje kvarljive robe (mljeko i mlječni proizvodi, meso i mesni proizvodi, voće, povrće, medicinski proizvodi itd.), odnosno robe osjetljive na visoke ili niske temperature, vlagu ili bilo kakve druge vanjske uticaje koji mogu naštetići sadržaju pošiljke.

BH POŠTA ne nudi uslugu regulacije temperature tokom prevoza, odnosno ne nudi dodatnu zaštitu u vidu posebnih uslova prevoza temperaturno osjetljivih pošiljki.



Ukoliko se odlučite za slanje pošiljke čiji je sadržaj kvarljiva roba pobrinite se za adekvatnu zaštitu iste. Koristeći sredstva za izolaciju (ekspandirana polistirenska pjena / EPS ili kruta poliuretanska pjena) i očuvanje temperature (rashladna želatinska sredstva i suhi led) moguće je obezbijediti zaštitu pošiljke tokom transporta. Za pošiljke koje trebaju zadržati nisku temperaturu, stavite dovoljnu količinu rashladnog sredstva na proizvode i oko proizvoda. Za pakovanje obavezno koristite ambalažu sa izolacijskom sružicom, a potom sve smjestite u čvrsti paket.



Izbjegavajte slanje kvarljive robe tokom vikenda ili neradnih dana (praznika)!

Biljke



U zavisnosti od toga da li šaljete biljke u saksijama, vazama ili buketima, odaberite adekvatno pakovanje. Uvijek vodite računa da zaštitite biljke od ekstremnih temperatura do kojih može doći tokom prijenosa do primaoca.

Prilikom zaštite biljke, obavezno zaštite i vazu, saksiju, kutiju ili drugi predmet koji drži biljku. Nije dozvoljeno slanje biljki u vodi, ili bilo kakvoj tekućini, koja može iscuriti i oštetiti druge pošiljke. Ukoliko šaljete biljke u saksijama sa zemljom trebate uzeti u obzir mogućnost da dođe do prosipanja zemlje tokom transporta. Potrebno je koristiti pregrade, mrežaste forme, papir, trake i druge materijale pogodne za pojedinačnu zaštitu i odvajanje biljki. Preko sadnica možete staviti plastičnu mrežu radi dodatne sigurnosti. Pošiljku obavezno označite naljepnicama za lomljiv sadržaj.

Laboratorijski uzorci i drugi uzorci

Za slanje različitih vrsta uzoraka (krv, urin, različite tekućine, veterinarski uzorci i drugi uzorci koji mogu sadržavati zarazne tvari) potrebno je provjeriti zakonske odredbe i propise u vezi sa slanjem takvih uzoraka.

Slanje pošiljki čiji sadržaj je prethodno navedeno podrazumijeva osiguranje višeslojne zaštite prilikom pakovanja.



U prvom redu, uzorci se stavljuju u hermetički zatvorenu posudu odgovarajućeg oblika. Posuda se potom stavlja u zaštitni materijal za upijanje tečnosti u slučaju oštećenja posude i curenja sadržaja. Sve zajedno, uzorak u posudi zaštićen upijajućim materijalom stavlja se u nepropusnu posudu ili specijalizovanu / hermetički zatvorenu vrećicu. Na kraju pošiljku stavljate u vanjsku ambalažu, koja bi trebala biti kruta metalna ili plastična kutija. Ne preporučuje se korištenje kartonske ambalaže. Obavezno na pošiljci adekvatno naznačiti da se šalju uzorci.

Dijelovi za mašine, auto dijelovi



Prilikom slanja predmeta, čiji oblik ne dozvoljava pakovanje u kutiju, potrebno je obložiti sve oštре ivice, čoškove, kao i sve dijelove, koji su podložni oštećenjima zbog udubljenja, ogrebotina i habanja koristeći odgovarajuće materijale za oblaganje. Potom se predmet mora omotati tvrdim kartonom, tako da se obezbjedi puna sigurnost sadržaja pošiljke u prijenosu. Ukoliko predmet sadrži bilo kakve tekućine, potrebno je iste isprazniti ili osigurati da ne dođe do isticanja tečnosti koje mogu oštetiti pošiljku koja se šalje ili druge pošiljke.

Dijelovi koji se mogu smjestiti u kutije moraju biti zaštićeni u skladu sa prethodno navedenim preporukama, a u zavisnosti od stepena osjetljivosti predmeta.

Neki od automobilskih i mehaničkih dijelova, mogu se smatrati opasnom robom / štetnim materijama (zračni jastuci, boje, akumulatori, motori i motorni blokovi sa štetnim gorivom, korišteni spremici za gorivo, zapaljive materije). Stoga obavezno provjerite dozvoljenost slanja takvih predmeta, te potrebnu zaštitu prilikom pakovanja. Podsećamo da je pošiljalac odgovoran za pakovanje pošiljke. Ukoliko se radi o potencijalno opasnom sadržaju, čiji transport je dozvoljen, obavezno je takav sadržaj adekvatno obilježiti.

Baterije

Pošiljke koje sadrže baterije spadaju u kategoriju potencijalno opasnog sadržaja.


- Mokre baterije se koriste za vozila (akumulatori), komunalne sisteme, neprekidne izvore napajanja i industrijska postrojenja. Ovi proizvodi se moraju ispravno upakovati i označiti. Pakujte baterije u spremnike, uključujući metalne spremnike, sa kiselim/alkalnim nepropusnim omotačem, zatvorene na način da se spriječi curenje. Ako se šalje više baterija, poredajte ih jednu do druge tako da između njih stavite neprovodne pregrade. Potom sve zajedno smjestite u čvrstu vanjsku ambalažu.
- Suhe baterije su baterije bez otvora, koje se koriste za manje električne uređaje. Stavite baterije ili pakovanje baterija jedne do drugih, tako da između njih stavite pregrade. Ukoliko se baterije šalju u elektronskom uređaju, osigurajte da baterije u elektronskom uređaju ostanu unutar uređaja tokom transporta. Upakujte baterije sigurno i ispunite prazne prostore da biste spriječili njihovo pomijeranje tokom prevoza. Sadržaj obavezno smjestite u čvrstu vanjsku ambalažu.
- Litijske baterije se koriste u elektronskim uređajima, poput mobilnih telefona, laptopa, PDA uređaja, satova, igračaka. Upozoravamo da se pošiljke koje sadrže litijske baterije ili predmete koji sadrže napunjene baterije mogu pregrijati, a ponekad i zapaliti. Stoga se sva pakovanja koja sadrže litijske baterije klasificuju kao roba opasnog sadržaja. Međutim, dozvoljeno je slanje pošiljki koje sadrže male količine litija, a za koje je obezbijeđeno adekvatno pakovanje. Upakujte pošiljku na način da spriječite kratak spoj, odnosno kontakt sa provodivim materijalima unutar pakovanja koji mogu uzrokovati kratak spoj. Preporučuje se da se baterije izvade iz uređaja, i posebno upakuju kako ne bi mogle izazvati požar. Sadržaj stavite u čvrstu vanjsku ambalažu.



Drveni dijelovi, ploče od iverice

Drveni dijelovi ili ploče od iverice pakuju se u debeli karton, u koji mora biti omotana cijela pošiljka, rubovi trebaju biti dodatno zaštićeni kako ne bi došlo do oštećenja tokom transporta.

Palete



Paletne pošiljke morate upakovati tako da se drugi paketi mogu smjestiti na vaše pošiljke. Osigurajte da vaša pošiljka bude omotana rastezljivom folijom i dovoljno pričvršćena na podlogu, kako bi bila sigurna i moguća za manipulaciju viljuškarom. Palete je poželjno koristiti za pošiljke nepravilnih dimenzija za koje je u paketu veći rizik oštećenja nego na paleti. Prilikom slaganja robe na paletu vodite računa o slaganju kako bi se postigla maksimalna stabilnost i zaštita u transportu. Ukoliko je potrebno postavite dodatne pregradne kartone.



Za slanje paletnih pošiljki potrebna je prethodna saglasnost prijemne i odredišne pošte. Molimo da prethodno izvršite provjeru mogućnosti slanja takve pošiljke.